

Жарма ауданының шалғайдағы елді мекендерде тұратын балаларды жалпы білім беретін мектептерге тасымалдаудың схемасы мен тәртібін бекіту туралы

Күшін жойған

Шығыс Қазақстан облысы Жарма ауданы әкімдігінің 2015 жылғы 3 шілдедегі № 212 қаулысы. Шығыс Қазақстан облысының Әділет департаментінде 2015 жылғы 30 шілдеде № 4080 болып тіркелді. Күші жойылды - Шығыс Қазақстан облысы Жарма ауданы әкімдігінің 2016 жылғы 18 наурыздағы № 80 қаулысымен

Ескерту. Күші жойылды - Шығыс Қазақстан облысы Жарма ауданы әкімдігінің 18.03.2016 № 80 қаулысымен. Р Қ А О - ны ң е с к е р т п е с і .

Құжаттың мәтінінде түпнұсқаның пунктуациясы мен орфографиясы сақталған.

Қазақстан Республикасының 2003 жылғы 04 шілдедегі № 476 "Автомобиль көлігі туралы" Заңының 14 бабының 3-тармағының 3-1) тармақшасына сәйкес, Жарма ауданының әкімдігі **ҚАУЛЫ ЕТЕДІ:**

1. Осы қаулының № 1 және № 2 қосымшаларына сәйкес Жарма ауданының шалғайдағы елді мекендерде тұратын балаларды жалпы білім беретін мектептерге тасымалдаудың схемасы мен тәртібі бекітілсін.

2. "Жарма ауданының білім бөлімі" ММ-нің басшысы Б.Ж. Оразғалиевқа шалғайдағы елді мекендерде тұратын балаларды жалпы білім беретін мектептерге тасымалдауды ұйымдастыру тапсырылсын.

3. Осы қаулының орындалуына бақылау жасау жетекшілік ететін аудан әкімінің орынбасары С. Брынзовқа жүктелсін.

4. Осы қаулы алғаш ресми жарияланған күннен кейін күнтізбелік он күн өткен соң қолданысқа енгізіледі.

*Жарма ауданы әкімінің
міндетін атқарушы*

Т. Каимудинов

Жарма ауданы әкімдігінің
2015 жылғы "03" шілдедегі
№ 212 қаулысына № 1 қосымша

Жарма ауданының шалғайдағы елді мекендерде тұратын балаларды жалпы білім беретін мектептерге тасымалдаудың схемасы

№ Тура бағыт	Кері бағыт

1	Бастапқы аялдама: Жарма ауданының Әуезов кентінің Солнечное елді мекенінің орталығы; Соңғы аялдама: Жарма ауданының Әуезов кентінің "Бақыршық орта мектебі" коммуналдық мемлекеттік мекемесінен 50 метр қашықтықтағы алаңша.	Бастапқы аялдама: Жарма ауданының Әуезов кентінің "Бақыршық орта мектебі" коммуналдық мемлекеттік мекемесінен 50 метр қашықтықтағы алаңша ; Соңғы аялдама: Жарма ауданының Әуезов кентінің Солнечное елді мекенінің орталығы.
2	Бастапқы аялдама: Жарма ауданының Шар қаласының кентінің Сарыарқа елді мекенінің орталығы ; Соңғы аялдама: Жарма ауданының Шар қаласының "Көбдіков атындағы орта мектебі" коммуналдық мемлекеттік мекемесінен 50 метр қашықтықтағы алаңша.	Бастапқы аялдама: Жарма ауданының Шар қаласының "Көбдіков атындағы орта мектебі" коммуналдық мемлекеттік 50 метр қашықтықтағы алаңша ; Соңғы аялдама: Жарма ауданының Шар қаласының кентінің Сарыарқа елді мекенінің орталығы.
3	Бастапқы аялдама: Жарма ауданының Жаңғызтөбе кентінің № 10 разъезд орталығы; Соңғы аялдама: Жарма ауданының Жаңғызтөбе кентінің "Жаңғызтөбе мектеп-балабақша кешені" коммуналдық мемлекеттік мекемесінен 50 метр қашықтықтағы алаңша.	Бастапқы аялдама: Жарма ауданының Жаңғызтөбе кентінің "Жаңғызтөбе мектеп-балабақша кешені" коммуналдық мемлекеттік мекемесінен 50 метр қашықтықтағы алаңша ; Соңғы аялдама: Жарма ауданының Жаңғызтөбе кентінің № 10 разъезд орталығы.
4	Бастапқы аялдама: Жарма ауданының Қапай батыр ауылының автобус аялдамасы; Соңғы аялдама: Жарма ауданының Қалбатау ауылының "Абай атындағы көпсалалы мектеп-гимназия кешені" коммуналдық мемлекеттік мекемесінен 50 метр қашықтықтағы алаңша.	Бастапқы аялдама: Жарма ауданының Қалбатау ауылының "Абай атындағы көпсалалы мектеп-гимназия кешені" коммуналдық мемлекеттік мекемесінен 50 метр қашықтықтағы алаңша; Соңғы аялдама: Жарма ауданының Қапай батыр ауылының автобус аялдамасы.
5	Бастапқы аялдама: Жарма ауданының Қызылжұлдыз елді мекенінің орталығы; Соңғы аялдама: Жарма ауданының Қапанбұлақ ауылының "Т. Хасенұлы атындағы орта мектебі" коммуналдық мемлекеттік мекемесінен 50 метр қашықтықтағы алаңша.	Бастапқы аялдама: Жарма ауданының Қапанбұлақ ауылының "Т. Хасенұлы атындағы көпсалалы мектеп-гимназия кешені" коммуналдық мемлекеттік мекемесінен 50 метр қашықтықтағы алаңша; Соңғы аялдама: Жарма ауданының Қызылжұлдыз елді мекенінің орталығы.
6	Бастапқы аялдама: Жарма ауданының Қапанбұлақ темір-жол станциясының орталығы; Соңғы аялдама: Жарма ауданының Қапанбұлақ ауылының "Т. Хасенұлы атындағы орта мектебі" коммуналдық мемлекеттік мекемесінен 50 метр қашықтықтағы алаңша.	Бастапқы аялдама: Жарма ауданының Қапанбұлақ ауылының "Т. Хасенұлы атындағы көпсалалы мектеп-гимназия кешені" коммуналдық мемлекеттік мекемесінен 50 метр қашықтықтағы алаңша; Соңғы аялдама: Жарма ауданының Қапанбұлақ темір-жол станциясының орталығы.
7	Бастапқы аялдама: Жарма ауданының Суықбұлақ кентінің Новотаубинка елді мекенінің орталығы; Соңғы аялдама: Жарма ауданының Суықбұлақ кентінің "Суықбұлақ орта мектебі" коммуналдық мемлекеттік мекемесінен 50 метр қашықтықтағы алаңша	Бастапқы аялдама: Жарма ауданының Суықбұлақ кентінің "Суықбұлақ орта мектебі" коммуналдық мемлекеттік мекемесінен 50 метр қашықтықтағы алаңша . Соңғы аялдама: Жарма ауданының Суықбұлақ кентінің Новотаубинка елді мекенінің орталығы;
8	Бастапқы аялдама: Жарма ауданының Суықбұлақ кентінің Суықбұлақ темір-жол станциясының орталығы ; Соңғы аялдама: Жарма ауданының Суықбұлақ кентінің "Суықбұлақ орта мектебі" коммуналдық мемлекеттік мекемесінен 50 метр қашықтықтағы алаңша.	Бастапқы аялдама: Жарма ауданының Суықбұлақ кентінің "Суықбұлақ орта мектебі" коммуналдық мемлекеттік мекемесінен 50 метр қашықтықтағы алаңша . Соңғы аялдама: Жарма ауданының Суықбұлақ кентінің Суықбұлақ темір-жол станциясының орталығы;

<p>Бастапқы аялдама: Жарма ауданының Үшбиік ауылдық округінің бордақылау алаңының (Жанама) орталығы;</p> <p>9 Соңғы аялдама: Жарма ауданының Үшбиік ауылының "Ақтайлақ би атындағы атындағы орта мектебі" коммуналдық мемлекеттік мекемесінен 50 метр қашықтықтағы алаңша.</p>	<p>Бастапқы аялдама: Жарма ауданының Үшбиік ауылының "Ақтайлақ би атындағы атындағы орта мектебі" коммуналдық мемлекеттік мекемесінен 50 метр қашықтықтағы алаңша.</p> <p>Соңғы аялдама: Жарма ауданының Үшбиік ауылдық округінің бордақылау алаңының (Жанама) орталығы ;</p>
--	---

Жарма ауданы әкімдігінің
2015 жылғы "03" шілдедегі
№ 212 қаулысына № 2 қосымша

Жарма ауданының шалғайдағы елді мекендерде тұратын балаларды жалпы білім беретін мектептерге тасымалдаудың тәртібі

1. Балаларды тасымалдау тәртібі

1. Балаларды тасымалдау жолаушылар мен багажды автомобиль көлігімен тасымалдау заңнамасының талаптарына сәйкес жабдықталған автобустармен, шағын автобустармен жүзеге асырылады.

2. Балаларды тасымалдаушы (бұдан әрі-Тасымалдаушы) тасымалдаушыларға қатысты заңнаманың талаптарын орындаумен өзіне тиесілі автобустарды тасымалдау үшін пайдаланатын білім беру ұйымы болып табылады.

3. Тасымалдаушы тасымалдауды орындау алдында бұйрықпен балалардың тасымалдауын ұйымдастыру туралы шешімді ресімдейді, онда лауазымды адамдардың міндеттерін, жүру маршрутын және балалардың қауіпсіздігін қамтамасыз ету жөніндегі іс-шаралар регламенттеледі.

4. Тасымалдау қауіпсіздігіне қатер төндіретін жол және метеорологиялық жағдайлардың қолайсыз өзгеруі кезінде, автобустардың қозғалысын уақытша тоқтату туралы қолданыстағы нормативтік құжаттарға көзделген жағдайда Тасымалдаушы рейсті алып тастауға және бұл туралы тапсырыс берушіге дереу хабарлауға тиіс.

5. Жол жағдайларының қолайсыз өзгеруі кезінде, басқа жағдайлар кезінде (қозғалысқа шек қою, уақытша кедергілердің көрінуі, бұл жағдайда жүргізуші кестеге сәйкес жылдамдықты жоғарылатпай жүре алмайды), кесте жылдамдықты төмендету жағына (қозғалыс уақыттарының артуына) түзетілген болуы тиіс.

6. Тасымалдаушы балаларды тасымалдайтын әрбір автобуска өз қызметкерлерінің санынан алғашқы дәрігерлік көмек көрсету әдістері бойынша дайындықтан және балаларды автобуспен тасымалдау кезінде қауіпсіздігін қамтамасыз ету бойынша арнайы нұсқамадан өткен жауапты еріп жүруші адамдарды белгілейді.

7. Нұсқауды білім беру мұйымдарына жолжүру қауіпсіздігін қамтамасыз етуге жауапты тұлға өткізеді.

8. Балаларды тасымалдау үшін Қазақстан Республикасының заңнамалық талаптарына жауап беретін жүргізушілерге рұқсат беріледі.

9. Балаларды тасымалдау кезінде автобустың жүргізушісіне мыналарға тыйым салынады:

- 1) сағатына 60 км артық жылдамдықпен жүруге;
- 2) жүру маршрутын өзгертуге;
- 3) балалар бар автобус салонында қол жүгі мен балалардың жеке заттарынан басқа кез келген жүкті, багажды немесе мүкәммалды тасымалдауға;
- 4) автобуста балалар болған кезінде, соның ішінде балаларды отырғызу және түсіру кезінде автобус салонынан шығуға;
- 5) автобуспен артқа қарай қозғалысты жүзеге асыруға;
- 6) егер ол көлік құралының өздігінен қозғалуын немесе оны жүргізуші жоқ болғанда пайдалануын болдырмау шараларын қолданбаса, өз орнын тастап кетуге немесе көлік құралын қалдыруға.

10. Еріп жүруші отырғызу (түсіру) аяқталғаны туралы хабар бергеннен және автобус есіктері толық жабылғаннан кейін жүргізушіге отырғызу (түсіру) орнынан автобус қозғалысын бастауға рұқсат етіледі.

11. Көлік құралы жақындаған кезде алып жүрушілер балалардың жүгіріп шығуына және олардың жолдың жүретін бөлігінде болуына жол бермейді.

12. Еріп жүрушілер балаларды отырғызу орнына ұйымдасқан тәртіпте (кіші балаларды – екі-екіден сапқа тұрғызып) жеткізеді. Отырғызу автобустың алдыңғы есігі арқылы жүргізіледі.

13. Еріп жүрушілер автобуска отырғызу және одан түсіру, автобус қозғалысы кезінде және аялдау уақытында балалар арасында тиісті тәртіпті қамтамасыз етеді.

14. Балаларды автобуска отырғызу еріп жүрушілердің басшылығымен және жүргізушінің бақылауымен автобус толық тоқтағаннан кейін отырғызу алаңында жүргізіледі.

15. Сапар кезінде еріп жүрушілер балалардың;
- 1) салонда тұруына және жүруіне;
 - 2) есіктер мен терезелерге жантаюына;
 - 3) жоғарғы сөрелерге ауыр және орнықсыз заттарды қоюына;
 - 4) қол жүгін өту жолдарына және кіреберістегі (шыға берістегі) алаңдарда орналастыруына;
 - 5) терезе ойықтарынан бастарын шығаруына;
 - 6) терезеден қоқысты және қандай болса да өзге заттарды тастауға;

7) жазатайым жағдайдың алдын алуға бағытталған жолаушылардың денсаулығы мен өміріне қауіп төндіретін ахуал туралы хабарламалардан басқа жүргізушіні көлік құралын басқарудан алаңдатуына;

8) жолаушылардың денсаулығы мен өміріне қауіп төндірмейтін жағдайларда авариялық жабдықтарды пайдалануына;

9) есіктерді ашуына;

10) төбелесуіне, итерісуіне, қимыл ойындарын ойнауға жол бермейді.

16. Тұрақтау (аялдау) кезінде балаларды автобустан шығару алдыңғы есік арқылы жүзеге асырылады. Автобустан бірінші болып еріп жүруші шығады. Тұрақтау (аялдау) кезінде еріп жүрушілер: біреуі - автобустың алдыңғы бөлігінде, екіншісі – автобустың артында тұруы және балалардың түсуін және содан кейін балалардың жолдың жүру бөлігіне жүгіріп шықпауын бақылау қажет.

17. Автобустан шыққанда әрбір бала жеке заттарын бір қолымен көтеріп, ал екінші қолымен баспалдақтардан түскенде тұтқадан ұстауы тиіс. Тепе-теңдікті жоғалтпау және өзге жолаушыларды жарақаттандырмау үшін иықпен көтеріп жүретін рюкзактар мен сөмкелерді оқушылар иықтан шешіп, қолдарына алулары тиіс.

18. Түсірген кезде еріп жүрушілер балалардың:

1) есікке қарай қозғалғанда төбелесуіне, итерісуіне;

2) баспалдақтардан секіруіне;

3) көлік құралын жолдың жүргінші бөлігінен айналып өтуіне, оған шығуына;

4) жүргінші бөліктің маңында қимыл ойындар ойнауына жол бермейді;

19. Түсіргеннен кейін еріп жүрушілер;

1) жеткізу орнына келген балаларды санап шығады;

2) ұйымдасқан түрде оларды түсіру орнынан және автобустардың тұрақтау алаңшаларынан еріп жүреді.

2. Қорытынды ережелер

20. Ауданның шалғайдағы елді мекендерінде тұратын балаларды жалпы білім беретін мектептерге тасымалдау бойынша осы тәртіппен реттелмеген қатынастар Қазақстан Республикасының қолданыстағы заңнамасына сәйкес реттеледі.